

曼谷

九谷

亭

集

谷

饒飢亭集卷十

壽陽祁寓藻叔穎

古今體詩四十九首

丙戌

題壹齋師餞書圖

長缺歸來尙有車短燈檠在卽吾廬不知疏傳黃金外可  
載蘭臺幾卷書

兩朝

御賜重琅玕萬本丹黃手校完白髮幾人譚舊事茂陵曾

識寫書官

乾隆間公會與四庫館繕書事

全家此去付扁舟寄語兒時舊釣游不用綰春

公舊居樓名

春

早駐湖山深處有書樓

誰似夔龍彊健身

君恩未許戀鱸莼五車已逐鄉心發惆悵門前問字人以公

乙酉冬上疏乞致仕 溫語慰留乃盡室先行  
載書萬餘卷歸蕪湖張詩船舍人爲寫此圖

次韵田季高編修春闈分校

西頭老屋漏痕深猶憶煎茶夜月臨

試院會經堂階西第一房余壬午分校居

之癸未滇生丙戌  
季高皆居此屋

遺響我知桐在爨共棲人說鳳爲林材

非買茶何求益櫝有還珠恐易沈畢竟高歌能拔劍堂前  
辟燭是同心

送郝夢山

臺魁

下第之官太原

扁舟昔泛洞庭波又向金臺載酒過聚散鴻泥真莫定功  
名雞肋欲如何詞人舊住王官谷

盛世終開孝弟科不爲將離重惆悵知君壯志未消磨君特

選太原  
教諭

道光丙戌春闈廣東一百三歲老人陸雲從應會試

恩賜國子監司業銜敬紀長歌用誌盛事

不羨丹砂服餌之葛洪不羨鼓琴導引之寶公但羨先生

不知老婆娑百歲仍儒童百歲始入泮朝隨子衿樂泮水暮逐

賓鴻來萬里路人驚說古神仙春樹閒看豔桃李忽聞

鳳詔下雲端

御筆新除國子官定許諸生親杖履始知後輩屬鵷鸞君

家海上瞻南斗廣州府三水縣人城郭曾經五羊走羅浮翠羽夢

如雲庾嶺寒梅花作酒當年越國老臣佗事漢逃秦閱歲

多南海遺民識鮑靚瓊州使者遇雞窠仙鄉異瑞尋常見  
爭似

恩榮逾餅宴

天上方開圖畫堂

癸未冬萬壽山

上命圖十五老臣像於玉瀾堂錫宴賦詩

粵中

更續耆英傳君不見楊巨源行年七十還田園當日人呼  
老司業羣公祖道陪高軒若舉楊君較陸叟先生仍是忘  
年友

端午日佚齋師招同詩船季高小集團廬次詩船韵

芳筵開食筍

齋名

美釀泛蓮花

酒名蓮花白

令節客同醉先生書

滿家吟成長命縷

席次讀師贈陸老人詩

坐盡午甌茶風雅推張籍

投詩意孔嘉

退直師生集開軒花竹羅閒鷗仍伴侶羸馬幾經過

詩船每出

常騎馬不假僕從

軟曳風前葛圓窺雨後荷筠筒能益智二陸本

才多

屋後小圃既成余意雜植花卉園丁周翁欲種瓜蔬力爭不得卒從吾好戲作此詩

北窗日長如小年南池荷葉生田田池上榆柳蔭小圃  
瓜邪一徑無陌阡芒種甫過時雨足土膏酥潤清風扇  
亟呼老奴荷鋤鍤分畦布壟隨方圓賣花忽來紫竹  
篠沽酒卻剩青銅錢馬蘭箭高笑石竹鹿葱葉大誇  
鳳仙夏菊五色亦堪翫花雖麤散光新鮮楚南周翁  
老農圃對花植杖心回旋但見嘉瓜繞籬落那聞九  
畹滋蘭荃殷勤勸我不如

已面汗耳赤言語堅主人與客皆目笑置酒且復傳詩牋  
歸來秉燭坐深夜展卷偶得周官篇九職園圃毓草木注  
云果蓏無他詮三農九穀此並重自古粒食爲民天詩人  
賦物例樸質騷客摘豔空纏綿自從淫麗變情性乃厭布  
帛矜華鉛潘令栽花亦何有拔葵翻笑公儀偏作詩謝翁  
誌吾過細思終是翁言然

季高和小圃種花詩疊韵戲荅並簡黃景完

富民

禾登蔬熟云有年園圃之利亞於田古人治野起遂徑百  
夫爲陌千夫阡神農破荒耒耜作遺言附託流風扇口嘗  
手植到百草規矩萬物心方圓後來醫師辨性味剖析紛  
紛如散錢牛溲馬勃雜羣藥餐英餌實稱上仙海棗春華

事奇誕肉芝甘橘顏華鮮坐令嘉種混凡品淳風一去無  
由旋俗人時花等種茶多買豈復論茅荃老奴愚慙亦可  
取其言誠鄙心則堅我友田蘇笑我泥證以勺藥毛詩賤  
予前詩有詩人賦物例樸質句故季高以鄭風勺藥相詰漢陰丈人老抱甕那解僮約  
文連篇正襟危坐對檀榻縱有高論誰與詮我昔移花返  
南海分塍播種清明天蓬蒿一徑雍如草柳絮三春飛似  
絲宋玉誅茅更卜宅楊雄問字仍懷鉛何用區區辨農圃  
君言藥石鍼吾偏更持吾詩質叔度破除鄙吝心陶然

謝季高惠宜興茶具

風露越窯質月圓天上輪嘉名襲陳壽

近日茶具多仿陳曼生式製雅

製奪龔春香入篆煙久雨催詩味新與君破孤悶同是素



心人

大雨適讀東坡岐亭詩卽次其韵簡季高景完

午熱汗慵書銅瓶餘墨汁油雲起西北已驗庭礎溼倏忽  
土囊開風勢收不得深林鳴蜩靜虛檐歸燕急惟聞鄰園  
鶴驚叫如鬧鳴綠闌窗紗烟紅欹荷蓋羃橫空萬蛟蚪欲  
掣嗟手赤坐見領下珠飛擲一池白驟涼襲衣袖新沐加  
冠幘游魚亦出淵知免銜鈎泣萬事難豫料晴天走列缺  
定應助詩懷且喜驅熱客衡宇相對閒門無車馬集

以團扇乞佚齋師書畫

裁就圓冰樣聊煩斑竹枝慙無祁岳筆喜讀杜陵詩驟雨  
簾紋重斜陽樹影遲願將珍護意長借好風披

次韵季高午睡

著衣常在早雅先清夢仍餘爨後煙誰道先生耽睡味槐  
陰蕉葉總忘天

舊傳琴曲向君求

君善雅琴

更借新詩伴午甌一枕羲皇元自

足人間何處築糟邱

招季高景完小飲次景完韵

一別成三載芳園憶舊經君爲巢閣鳳

景完時以選拔應朝考

我似

渡江萍

春初余自楚南還都

復此銜杯酒相將倚檻櫺綠楊人並宅

碧篠戶連局蘭畹欣同臭蔬槃媿賜腥招涼符佩癸迎暑

斗移丁

時近小暑

珠柱翻新操筠簾認故釘蓮花爭酒白蒲葉

上衣青驟雨催詩急閒雲任意停高歌魚出沼屢舞燕窺

廳樹密都成幄山低儘可屏良蜩煙外咽鳴鶴日邊聽緩  
步循游屐清譚付說鈴祇疑賓作主那解影隨形菡萏波  
千頃蒹葭水一汀文江工染翰何以荅清冷

靜坐假寐意有所得呈季高

日長無眠能困人欲眠膚汗霑衣巾不如趺坐學禪定銀  
海湛湛無纖塵湘簾垂地綠窗靜朱華冒水青蒲新幽禽  
入夢破岑寂小屋打頭容欠伸有時秋蟲語鼻觀如被宿  
酒回牙斷固知琴趣不在指七弦未動先凝神俗人但解  
爛漫睡高枕輒謂羲皇鄰詎知牀腳鬥牛螳坐令眼界迷  
興薪僕病躁急多喜瞋縱有妙藥愁沾脣感君一言等七  
發欲我忘病先忘身邇來靜觀頗自得始悟藏密能全真

君看麝羊挂一角那似蠻觸爭眉鬚譽名胡爲致憔悴堅  
白無事遭緇磷作詩饒舌更堪笑君心久已如方輪

生日次韵戲荅景完

湘簾竹簟卻炎曦坐對清尊小暑時園鶴上堂猶未退林  
蟬遷葉已如馳

時逃客季高齋中

未妨留客投車轄應笑無人雪

藕絲挂杖更期黃子壽

景完生日後余十八日

畫屏先報景文詩

佚齋師以端溪紫石硯湘竹雙節筆筒嘉蜜筆洗見  
示用東坡仇池石詩韵賦呈

紫石誇鳳池斑竹帶湘綠嘉蜜次永宣泐色亦自足伊誰  
截雲腴琢此微凹腹函以紫方館上豐而下蹙凝波窺老  
蟾敲火謝童牧祇應伴裘鍾相交兩毋瀆遙知竹深堂留

客弄寒玉

硯背鐫竹深堂藏四字

況有永陵螭注水如石伏垂露筆

非秋生花夢可卜憶昔醮壇上青詞互馳逐卽今食筍齋  
三友揖潘谷物理有聚散達者何所欲但欲歸去來鑑湖  
乞一曲豪端萬雲山涼雨催詩速

景完以圓錫茶壺貽唐季觀

光斗

何菊垞

繼曾

以方

壺易之余又欲以他壺易方壺季觀笑謂余僕固知  
此壺卒非吾有者遂以畀余仍用仇池石韵書團扇  
以報非敢效晉卿之豪奪也

荆璞羨夜光隨珠慕結綠懷寶兩欣悅在已恒不足壺公  
祇一壺大若鵝夷腹但笑漲彭亨那能爭刺蹙問君安得  
此貽自黃山牧水部乃酒豪長鯨吸川瀆胡假盧仝盃徑

求虞叔玉茗戰啟爭端得失機遂伏唐肆本無馬壺子早  
已卜不如脫其羈任彼二馬逐坐令連城壁譚笑去函谷  
先施豈傷惠後獲非逞欲盈盈白團扇報君致委曲更請  
三石叟翩然來不速

季觀案頭有石叟製銅筆筒墨牀香合三器絕精

張文敏公泛舟觀荷圖爲詩舫舍人題

瀛洲墨妙歐虞擅獨愛羲之親作傳長史書名動

主知山陰筆陣開生面龍跳虎臥見精神海嶽香光漫比

倫丹筆已躋三獨坐

奎章還列五詞臣

乾隆聖製懷舊詩列文敏於五詞臣之中詩曰書有米之雄而無米之畧復

有董之整而無董之弱羲之後一人舍照誰能若當時壇

又詔許載入松江府人物志國史俾爲立傳站推風雅紅硯宣豪侍金馬偶然題扇姓名傳隨處流觴

畫圖寫此圖點染出南沙一葉蓮舟四壁花曾記賡歌陪  
太液幾經流轉到天涯鳳閣舍人香案吏傳家工學銀鉤  
字搜羅繭紙認雲煙拂拭丹青出都肆一朝趙璧返秦關  
重見明珠合浦還翠蓋尙留擎雨態黃華仍有傲霜顏披  
圖慨想風流甚綵筆分題樹交蔭百年池館付澄懷一代  
聲華滿

清禁回首西園公讌時飛豪拂素寫新詩而今一片靈臺

月猶照朱華冒綠池

壬午春詩船以公雍正壬子  
清明怡園看花詩卷見示

胡彥伯

杰

以詩見質賦荅

後改名焯

武陵胡子才清越下筆仙源萬花發北征一篇更不羣有  
如畫馬存其骨憶昨作賦聲摩空衆中知爾能追風黃金

遺卻亦偶爾留取雄心致千里同舍陳生磊落才

樂驊駟光

亦復滯燕臺會看石鼓增光價莫逐桃花歸去來

### 荅季高並呈彭荷邨舍人

鄉夢時愁客裏醒舊交偏喜眼餘青炎風朔雪都經過野  
鶴閒雲到處停賴有素心知款款不須華髮感星星期君  
退直三商後共我橫琴一曲聽

荷邨和詩有我慙逸少誓親墓人勸與公賦遂初之  
句次韵荅之

尋詩有約負騎驢

予與季高早有還山之約

簪筆無才媿校書鳳閣幾

人同直內雞窗今夜對談初陳遵敢擬投賓轄溫嶠何曾  
絕母裾猶有故園茅屋在未須辛苦戀金魚



秋感八首

輓粟東南力已殫似聞米貴說長安越人航海來原慣漢  
使乘槎去不難蜃市雲開朝見日蛟宮風靜夜回瀾欲知  
堯舜疇咨意飢溺何時一念寬

一自洪湖石堰開宣防轉漕重遲回長河欲洩蛟龍怒中  
澤先聞鴻雁哀應念秋風歌瓠子亟思淫潦止蘆灰九州  
貢道分明在今見雲帆海上來

先皇神武拓西垂駿馬明駝款塞馳雪嶺久歸唐郡縣花  
門都識漢威儀屯田生計思充國兆鬲邊功問貳師萬里  
崑岡多美玉忍看野火燎原時

勃律名王屬外藩路從飛鳥度河源受降城已鄰疏勒納

賁人曾越大宛豈有紈牛思抵觸定因鱗鼠強攀援天弧  
止向天狼射化盡沙蟲更不煩

詔書寬大念民勞

廟算深沈運六韜已慰士心如挾纘更嚴軍令到秋毫鳴  
弦隊裏壺漿樂俘玉壇前劍佩高汗馬酬

恩今有地漫披文錦醉蒲桃

鯤身僻小界南閩置郡開田

大化新鼃黽同居原善門虎羆一過定知馴蠻方控馭需  
長策

文德惠宣及遠人二百年來游泳樂未煩駭浪泣窮鱗  
神倉天府久贏餘菲食卑宮用更舒自是宰衡持

國計那勞家令議邊儲詩人解上豐穰頌太史徒編貨殖  
書何日玉關笳鼓競三軍解甲事耕鋤

常怪騷人賦楚辭登臨底事爲秋悲官閒不覺年華駛坐  
久頻看日影移陽鳥衝寒猶結陣皋禽警露已多時輪囷  
剩有如壺腹可許琅玕一醉披

題蔣沛畬

慶霖

聽松拜竹圖

聽松如聽琴拜竹如拜石高懷兩忻悅寓物不留迹琴妙  
一何深猶勞弦指音石奇良足愛而無沖虛心韋郎墨妙  
蕭郎筆能貌君心更超逸定知有耳厭絲簧未許低頭老  
蓬華風標磊落骨嶙峋撲盡人間萬斛塵始信陶公得天  
籟可憐米老作顛人

次韵季高秋日園居

久晴收礎潤漸冷怯窗開布被縣初換塼鑪火欲來挑燈  
書共檢潑墨紙分裁惟有東峯影時時照酒杯

樂泉上有  
小峯在君

東屋之

休沐日簡季高

朝朝待漏對銀釭今日披衣日上窗隔浦尙聞車轆轤  
離宮遙憶佩琤琤我如賓爵深堂處心逐征鴻遠塞降一  
事笑君還自笑直鉤閒坐釣魚砭

八月二十日六弟奉慈輿旋里用東坡頴上初別子  
由韵送之

閒居時慕潘嘗羹每懷頴爲博高堂歡聊慰遲莫景二載

官湖湘板輿閱炎冷歸侍承明廬影對千官靜賴子能娛  
親天性和而警絕裾鄙溫嶠捫蝨笑王猛涼秋奉輕轆行  
當旋里井對牀無復眠置酒還獨醒明知歸來速奈此道  
路永征西車馬馳邁行慎定省

母老念兒女兩地懸心胸安得如明月照此千里同暫違  
與久別相望關山重扶牀兩嬌兒候門忽成童有姊嗟無  
家病葉驚西風還當安集之無令哭途窮歸途問阿妹何  
時來從東吾兄主門戶年來貧困攻爲我致一言努力守  
蒿蓬相期愛永日請看彩衣翁

送陳蓮史

繼昌

修撰出守山東次季高韵二首

共羨青雲早致身玉堂揮翰七經春廣陵金帶傳家物

文恭

公初轉外爲  
揚州太守  
沂國梅花屬此人守拙不須名赫奕交深方  
見骨嶙峋相公忠孝遺規在

褒詠曾看

御筆親

君以嘉慶庚辰科及第載景運兩三元舊相留遺

御製詩有大清百八

爽塏爲鄰卜宅安

余居與君家賜第僅隔一巷

銜杯暇日共君歡堂開

綠野春常在坐擁青氊夜自寒一代文章華國易寸心憂  
樂濟時難蓬萊總是神仙地未用回鵝惜冷官

南苑從獵與季高聯句五十韵呈詩船舍人

帷幄籌兵日郊原肄武場西山來爽氣

嵩年

南苑肅清霜仙仗千官擁

駕藻下各以二句遞聯

期門七萃行稼收

知野濶騎遠見林長望

幸春蒐久迎

鑾海戶忙青旗曾布煖玉宇此乘涼文囿恢無禁

堯宮築匪康九門開詆蕩五海匯汪洋辟惡獅仍猛涵春  
柳不僵艾蘭成桂栢薙草出垣牆往者仁虞院徒爲馳騁  
狂官衙森棨戟禁旅衛貂璫豈有芝爲圃幾同豹作房盤  
游前代侈制度後人防臺尙來鷹隼河還號鳳凰支流歸  
巨壑疏濬肇

先皇入淀消潢潦營田利稻粱農功時有暇武備誠毋忘  
聖主親弧矢高秋駕驪驪三驅王制合九伐陣圖詳從騎  
皆茲白關弓盡大黃應弦殲狡兔飛鏃仆驚麇避繳蘆銜  
雁投鞭石叱羊歛聞虢虎逸敢逞負嵎強赫怒於斯震凌

威不可當周陟多猛士戢武有神槍並列縱殲獻無煩檻  
穽張子應探穴得皮待倒戈衰藪澤包涵徧芻蕘出入常  
始知於物樂不是作禽荒解網

恩原大非噩夢亦祥

離宮才信宿乙夜尙仿徨闔外兵符發關西羽檄鵝雪初  
迎塞馬星已射天狼

游豫無非事勤勞總未遑差同周石鼓肯效漢長楊太史  
曾推籀詞臣詎慕揚來從香案側陪侍屬車旁列帳依  
行殿分庖出上方粉餚隨

膳賜鹿脯許鮮嘗憶昔聯芹藻於今共玉堂論文雙管下  
從獵兩驂襄快睹梁鄒制榮分校隊光茁葭知



德澤甫草頌

君王徒陣臨宣曲還衡指未央金錢頌九府玉粒溢千倉  
輦路煙猶馥山椒菊正芳懽聲連近甸佳節轉重陽欲獻  
登高賦慙非織錦章祇應蓉闕下投贈紫薇郎

末三句  
嵩年

次韵詩船團河行帳夜話三首

密柳成帷綠萬柯板橋流水碧於莎秋原到處堪圖畫第  
一園林是鳳河

薇省才名冠眾仙銀豪催放萬花妍草成腕脫渾閒事猶  
自吟詩樺燭前

分鮮奔走到輿臺新釀茵陳小襲開相約不勞頻折簡林

端但認酒旗來

行帳旗竿  
頗似酒帘

次韵佚齋夫子閒居用吳文定文溫州九日唱和詩

韵四首

先生抗疏似歐陽萬卷先歸六一堂

天上白雲留暫住湖邊春水夢時嘗  
章賢老去終思漢岐伯書成總問黃  
藥裹不勞頻檢點笑看萸佩進諸郎

此心已類雁隨陽寄迹聊同鶴上堂  
籬菊幾人能滿插海螯今日得閒嘗  
秋來嶺雪驚頭白想到河流潑眼黃  
猶有東山雙屐齒不須膂力鬥兒郎

鑒吟曾記展重陽退食仍依政事堂  
佳節優游天付與清談滋味我親嘗  
經霜竹箭寒餘碧向日葵心老更黃  
莫歎登高腰腳劣何如雨立殿前郎

吳波亭子倚斜陽他日歸來有草堂

先生詩尾鈐吳波亭長歸去來堂二小印

陶令投簪腰肯折杜陵扶杖酒還嘗江頭尺鯉書傳素

時

子卿前輩歸老子湖

畫裏秋山葉認黃獨有輪囷舊焦尾頻年拂拭

感中郎

花門鐵槩歌寄瀾止閣學

容照軍中

鐵槩如月不滿規金花黑漆光琉璃團鋼百鍊柔且滑製  
作純固奪犀皮君言得之花門種入宿禁衛恒攜持長槩  
大燭照深夜衝牙玉佩堆陸離有時朝服坐攬鏡但覺毛  
髮寒秋漪邇來回紇擾邊塞奉

命躍馬思搃旗手持此槩贈我別意氣慷慨真相知

先皇關地二萬里陰山瀚海爲城池汗血從容天仗立

裘怵惕中朝儀當時此槃何所用  
璆琳璨列文錦披蒲桃  
若榴薦嘉果碧眼不敢窺

丹墀

文思天子神武姿當軒一笑

龍顏怡銅山錦市

賜無算中有湛露金莖垂百年

恩威在肌骨嗟爾小醜胡能爲  
君家勲業天西陲充國屯

田人所思回疆三世式歌舞  
今見伯仲吹壎篪

君兄靜止侍衛同在

營側聞邊城屢奏捷  
大軍未集聲先馳  
此槃早晚置春酒  
待君歸飲毋遲遲  
驂騑道路正開闢  
往取將相銘鐘彝

漫訖亭集卷十一

壽陽祁寯藻叔穎

古今體詩三十六首

丙戌丁亥

新樂府四章

并序

爲田雲岩先生作也先生厯官滇豫所至有循聲旣歸里口不言官余與令嗣季高編修同直園廬得聞一二噴然欽慕先生之性情治行不可使吾鄉人無所傳誦爰仿香山新樂府撰述四章以爲先生壽他日采風之使庶有取焉

滇南銅

滇南銅萬里輸都中江河浪高王事重舟薄如葉急如風

昨聞大官檄檄下來雲龍州名雲龍官衙冷如水寮友駭歎  
我公喜太行雲渺何在身隔綵雲心戲綵若非簡書奉奔  
走那得還鄉拜父母父母喜我來倚閭望塵埃兄弟喜我  
來入戶洗尊壘鄰里喜我來寄書遠道招其兒城中官吏  
喜我來不願坐衙齋但願投板歸銅片銅片爾有靈咫尺  
照見萬里形君不見滇水流中有雙魚尺半脩訟庭花落  
書聲起別淚生滋爲遠游

### 浪穹筍

浪穹筍長如角浪穹黎白如玉土人種官人食封其園計  
其實守以吏虎傅翼禍夫睨鞭之匿官爲主民爲賊朝傾  
筐腕無力莫壓擔肩爲赤奉上官譙嘉客娛兒女飽臧獲

廚中爛道旁擲民曰嗟心爲惻我公來弛其役闢竹園富  
果植下無蝨上無墨長者角白者玉官人護守土人食至  
今黎筍產浪穹不名浪穹名田公

河陽婦

河陽婦能矢節生不同室死同穴奈何杞柳視松柏牽引  
狂夫強攀折鳳爲使鴂爲媒錦爲帶玉爲臺族中老父真  
庸才坐令囊弓盛服來妾心古井水妾身古井釵釵折無  
復容水清無復埃妾朝炊不滿甌妾夜織不成縷老父笑  
妾何自苦不有使君誰作主使君謂婦歸誰謂爾無依吾  
當爲爾出其貲底用爾織與爾炊河陽婦吁堅貞河陽宰  
吁神明河陽立祠爲民勸彼何人斯花滿縣

內黃河

內黃河河水多長船大楫如織梭河干窳農不耕地洩水  
膠舟射其利岸高水淺行不得足踏繩牽借爾力得錢一  
飽何所爲終日呼盧酣笑嬉鼠竊螳門無不有怒拔白刃  
喜縱酒使君捧檄不入衙貌爲估客閒咨嗟一朝姦宄就  
束縛乃認沙頭坐語客竇公來河水開此水名竇公河田公來河  
水回河水回使君去至今隄柳綰春風猶是遺民送君處  
君不見使君捍水身爲郭天南更有浪穹湖

九月十六日偕季高晚登東峯月出復躡西峯眺湖  
山之勝深夜乃歸得詩四首

小園山四圍君居當其腹開軒鏡清漪旁舍蔭修竹坐對



屋東峯螺髻儼新沐出門一登眺夕陽在林麓照見西南隅湖水秋更綠西山豈不高愛此一卷蹙

東峯有老榆高出園中樹翠柏承其陰相悅不相附呼僮翦蒺藜蒙茸稍得路秋來藉草坐時復攜茗具青天何厯厯銀漢不可渡君看樹下泉昔日雕闌護

明月出東林林深人不知忽見西峯下白地光琉璃居高識易蔽在遠明無遺我欲手斧柯斫彼翳目枝復愁傷嘉木清蔭失炎曦歎息舍之去散步循方池

方池無半畝何如前湖寬登高望三山清光千里寒樓臺出遠樹星斗生微瀾依稀紫雲曲天風聞佩環歸來石橋畔人影何閒閒皋禽已警夜零露中庭團

十月二日還園居

累日城闌住歸來徑欲荒籬花還自豔園柳爲誰黃氣煖  
秋稀雨天清夜有霜寂寥翠袖薄修竹倚鄰牆

當塗夫子以大司農

予告歸里奉餞一百韵

海內文章伯清時柱石臣遭逢天獨厚出處道爲鄰世際  
唐虞盛官儕稷契倫

三朝存大老百辟見高人祖帳羣公餞驪歌一曲申清風  
真灑落別緒轉酸辛夫子邦之彥英華筆有神艱難能獨  
立偃蹇更誰因寂寂椿蔭蕭蕭婉孌辰鵠原漂蕩共燕  
壘轉移頻宅相邀終譽家風克再振五經爭美慎片玉已

推洗淹博黃江夏紛綸井大春才鋒鸚鵡健文采鳳皇純  
霧豹難深隱雲鴻定遠遵從來五花馬必遇九方歎星使  
搜羅及龍門顧盼臻諸生知郭泰獨步許王筠合浦珠方  
孕豐城劍尙淪浮名銷歲月失意走風塵屢獻淩雲賦仍  
垂釣渚繙庾樓吟月冷嚴瀨畫山斂石室書空寫金臺席  
未珍良工疑馬援拙自笑崔駟壯志經盤錯狂歌雜慨呻  
幾年儲杞梓一旦得騏驎射策諸儒避呈材大匠掄瀛洲  
還縹緲郎署且逡巡悵望堂開玉低徊佩綰銀

君恩宣鳳綽臣志戀鱸莼賓主東南美先生道德淳馬融  
開絳帳匡鼎據文茵問字齋油素銜杯整葛巾士希元禮  
御盜畏彥方瞋自顧甘肥遞無心慕搢紳半生殊顯晦一

笑任亨屯浩蕩覺鷗沒回鵝燕雀馴馮唐身已老翁子分  
長貧豈意風雲會重瞻日月新

朝廷寶金鑑巖穴連蒲輪夾袋名先噪衡門迹詎堙秋吟  
驚蟋蟀香草出荆榛藏器時終待懷才志必伸本無胸壘  
塊祇有骨嶙峋感激紆朱紱齋莊對

紫宸

恩深猶引疾

詔下已如綸

朵殿榮簪筆

文淵喜問津頭銜移內相手版謝同寅華燭金蓮夜香煙  
玉案晨

雲章時燦燦

天語每諄諄奉使輶軒邁觀風俎豆莘蓬萊袖東海江漢  
導西岷一顧空羣馬多材起積薪繁林皆檜植幽澤盡蘭  
紉獨有山樞感偏霑化雨勻園桃紅灼灼玉水碧粼粼在  
昔歌謠采於今文質彬彬自非勤狩獵何以獲貍鷃

帝獎文翁治人言董子醇嘉謨常在匭直節本惟箇駿秩  
聯槐棘

龍光荷秧振司農今識鄭賦禮舊推荀

震出承

乾運

重華耀八垠秩宗伯夷掌古事仲舒詢密勿參帷幄春容

節鼓鐸有言皆體要無物不陶鈞薦士三薰沐回天一笑  
嘖潔清盟夙夜孤耿質明禋自古彈冠慶多爲資格循惟  
公起白屋不次厯層闈絕少吹噓力旁無繫援姻伐毛遲  
健翮點額鬱窮鱗不有茅茹拔終成草莽湮禮隆緣國士  
道大屬天民每念躬耕樂思完大璞真盈虛瞻眎貴賤  
等琳珉易退非關病成功豈爲身引年歸計決比歲上書  
陳

聖主憐疏廣邦人借寇恂幾番回鴈陣餘景戀烏駝草疏  
勞頻數抽簪許十旬暫容壺室隱終乞鑑湖濱蓬徑惟環  
堵瓜廬剩一畛林泉隨野展廩餼給

天困老去腰難折歸來齒尙斲

深恩由默契厚福本安仁賤子高山仰微生大治甄師門  
廁張籍父執拜蘇洵記與羣兒戲居然上國賓傳經承謦  
欬說士費喉脣陋質慙圭璧華筵辱介僎采來汾水賈移  
傍液池蘋花影當甄裊車聲過關麟常時談娓娓終日侍  
聞聞感遇詩難述酬知志不泯青山人自健綠野夢還親  
書畫船歸米農桑事問幽白眉爭數馬黃髮任圖麟南國  
生叢桂千秋有大椿靈光歸天地吾道不緇磷

石士夫子以何玉民

耿繩

寄詩見示次韵奉寄四首

十七年來聚散頻二千里外宦游身憶從汾曲逢今雨同  
向燕臺踏輦塵載酒城南聯句夜停車舍北看花春而今  
鳬鳥飛何處石棧天梯有部民

聞道行春向武關非緣酩酊不知還千畦綠滿秧抽水一  
徑紅深樹隱山竹馬有聲民氣樂蒲鞭無事訟庭閒遙思  
官閣梅花發幾許清吟繞坐間

勞農一曲念窮鄉苦爲茅檐計稻梁詩到春陵能感眾花  
如潘縣漫成行共知考績因循吏誰識傳家有義方聞道  
袞斜諸父老攀留眞欲卧車旁

漢江官柳繫人思渭水輕塵又一時

君時以袞  
城調渭南

回憶釣鼇

看海濶莫因棲鳳忽枝卑門牆此日容多士保障如君實  
有爲尺素慙慙憑驛使作詩還望報微之

冬至前一日扈

駕宿



南郊齋宮恭紀二十韵

麗景迎長日

齋心對

上穹威儀

天子備禋祀

聖人崇羽仗層闕外華鐙夾道中

六龍騰海碧雙鳳翼雲紅

北闕晴曦耀

南郊瑞靄籠冠裳隨肅穆環佩侍玲瓏仰睹

園壇近旁臨

帝座通

乾爲萬物始震是長男宮太史晨書物靈臺夜候風握符  
心已契

主器道還冲萬里機槍落三時黍稷豐

思艱知稼穡除暴詰兵戎屢畫纂芟策新論轉粟功潮平  
樓見蜃水涸澤歸鴻

厚貺資真宰

誠祈識

聖衷吹葭今夕驗表雪四方同制度

茨階儉賡歌

藻翰雄

萬幾存敬畏一念動昭融春氣香煙透神光寶鼎充簪豪

持獻壽長此戴

旃幪

十二月十九日侍直作

鳳闕觚棱曉色開日高風靜挈壺催璽書封罷千官退

是日

官中封寶爆竹聲中

萬乘來

每歲禁中十七日開爆竹今改於是日

恩與絲綸

金殿出春隨笳鼓玉關回侍臣更有豐年祝白雪賡歌仰

聖裁

黃在軒水部寫贈丁亥歲朝圖兼貽唐花二種賦謝

君家案頭多好花紛紅駭綠香滿家輞川涉筆動成趣雪

蕉共豔非時葩  
亥市喧闐足生意  
丁年爛漫爭春華  
君貽我畫以花  
媵想見綵筆蒸雲霞  
迎春例放春前蕊  
牡丹何事穠妍誇  
將毋富貴置身早  
時雖未至心已奢  
馬塍老翁強解事  
羯鼓欲奪天工撾  
此花宜護錦屏障  
紙窗竹屋胡爲耶  
今年臘日煖無雪  
嬌豔祇恐春寒加  
看花飲酒讀君畫  
醉吟肝肺生槎牙

除夕憶滎陽蔡漸亭

鴻升

明府

去歲滎陽守歲時  
河冰未泮阻歸期  
倭遲將母行周道  
慷慨逢君若舊知  
片石共徵循吏傳

君贈余漢循吏聞憲令長韓仁碑揭

荒祠

猶認假王碑

紀信祠在滎陽城

別來高義曾雲薄  
不數彭衙杜老

詩

徐熙葦

法續

再以詩來約穀日游琉璃廠次答

博物空慙第七車文章敢說草黃麻  
羨君卜宅鄰書肆笑我還轅向水涯

前約同游未果

雨後褰裳尋季主客來問字識張

華不因詩句招邀去孤負春盤旨且嘉

再和熙葦

新詩儷白雪曲高難屬和春風忽吹來  
一笑顏爲破想君聳山肩影入酒杯  
大妻孥竊驚怪君乃不顧唾口吻方生  
花不睡誰能那子猷興雖盡盛氣不可挫  
便當從君游敢學袁安卧健筆媿投報  
吾詩輒如稊

直園卽事八首追次張文和公韵

并序

翰林直園之以澂懷名也自張文和公

廷玉

始雍正

三年

詔以藩邸之圓明園爲每歲春夏秋三時

臨御聽政之所更以園東戚畹舊園

賜近臣九人居之文和與焉先是公於康熙間侍從  
鑾輿避暑上塞曾蒙

賜書澂懷二大字至雍正五年遂以名園詳見澂懷  
園詩集昔日長廊曲檻桂楫蘭橈皆爲近時所無老  
梅一株當時已稱難得今無復存矣流連景物追和  
曩篇述

先朝之德澤泳

盛世之恩波而微臣遭際之隆往哲風流之盛其爲

感慕何如也道光七年歲在丁亥正月

七年趨

禁籞載筆忝儒臣雨露承

恩早

余於道光元年三月蒙入直南齋時年二十九歲

恩園林卜宅新

三年正月初居園南

二月移居園東之雲塢六年正月自湖南使旋仍居園南今年正月移居南池之北食符齋乃左田師舊居也七年之中園樓高常近日近光樓在園西北隅

偏容澹蕩人

聞說丹棱泝分流碧玉溪名園依水近喬木拂雲低草密

曾迎

輦

康熙時園爲索相別業

車駕嘗臨幸

沙平舊築隄

公城相

焉今近光樓有青翠霄漢

御書額

謂

四朝恩澤渥常傍

鳳城西

風流推上相池館占清灣

鳳藻開新榜龍眠勝故山賡歌雲縵縵拜賜錦斑斑時奉  
澂懷

訓無忘退食閒

昔日神仙侶終年棟宇望高亭通曲徑別館出長廊芍藥  
春闌豔芙蓉夏沼香作圖誰繼美八友許升堂

乾隆時蔡  
葛山相國

諸公作澄懷八友圖  
觴詠之盛直接前賢

水喜浮家便山嫌入畫遙朝嵐青擁髻夕漲綠平橋賓客  
閒攜屐兒童學弄橈不知衣袖底誰惹



御香飄

瀟碧竿竿直湖嵌面面空桐涼猶洗雨松老尙吟風獨有

仙梅綠

園舊有綠萼梅一株

曾隨苑杏紅衆芳吾憶爾疏影寂寥中

選勝尋常有殊榮自古無百年魚在藻此地鳳棲梧獻納  
慙窺管

幙幙賴覆孟更勞

松棟上風雨

念區區

三年春上命發內府金錢修葺侍臣園廬洵殊恩也

司農誠好古披簡攷遺居

頃少司農湯敦甫先生以文和公詩集見示

頻語新

巢燕曾知大壑魚官閒宜問字公退許鈔書

時同居園者敦甫先生程

松亭奉常德楷田季高編修及余凡四人始信春如海

恩波在玉除

詩船舍人於琉璃殿肆得金葉山鐸畫冊索題因寄

佚齋夫子

葉山畫品如詩品鳳閣詩名與畫俱曾共涪翁評妙墨佚齋  
壁上多金畫又從燕市得遺珠餞書人去知音少翦燭題成識  
面無正是江南春草綠好緘新句寄于湖

園西酒家

白板三間不插籬悠揚竟日酒帘垂門前古寺鐘魚靜屋  
後芳園水石奇朝退欲回驄馬路醉歸時見羽林兒春風  
小甕新開否擬解金龜換一卮

敦甫先生以張文和公澂懷園諸詩屬季高爲書長

卷賦詩見示次答二首

憶昔卷阿侍從初鳳皇枝近五雲居百年涵泳

恩波久兩字標題

聖藻餘畫本舊傳青鐫闕

謂八友圖

詩牋新照碧紗疏不須更

羨蘭橈樂人境何曾有此廬

揭來珥筆及春初退食從公近卜居觴詠每懷前輩盛典

型猶見老成餘古藤繞屋陰還密修竹當門翠自疏況有

清溪喬木句風流直接萬花廬

文和有萬花深處認吾廬之句

敦甫先生惠報佳章再次奉謝

春官每憶校文初

壬午先生典試禮闈忝與分校

南國重尋講學居

前年奉使

楚南蒙先生告以舊政

齋駕敢云追步後燭光偏許借鄰餘注書臣

瓚名原重問字侯芭願未疏卻媿珠璣輝翰簡更勞車轍  
過林廬

初春園居苦風

積雪微茫想夢畦狂飈催促出楊荑小園祇覺寒暄驟一  
日難教氣候齊肺渴慙消茶竈煖頭風仍怯帽檐低何時  
細雨輕塵過便踏春郊看輓犁

爲唐補卿同年

傳培

書矮紙卽題其後

一紙因循動隔年殘荷疏雨記秋天官閒似我真成嬾酒  
債如君未要捐別後幾多文字飲春來漸減唱酬篇尋常  
食筍齋前燕舊壘新巢已惘然

去年屢借補卿飲  
左田師食筍齋

漫仇亭集卷十二

壽陽祁鶴藻叔穎

古今體詩四十一首 丁亥

澂懷園食筍齋圖黃寸園爲其弟小田作也余旣移  
居斯齋而小田將省親南還留圖誌別題句奉餞以  
申離緒道光七年正月十八日

食筍齋前竹千筍食筍齋後花萬朵西山窈窕窺牆右衆  
木葱龍翼門左寸園續事能傳家阿弟詩才更驚坐四壁  
常時對屏障六街何處揚塵埃涼堂燠館幾銜盃高浪長  
風送飛舸謝朓新詩付碧山杜陵老夢違青鎖展君尺幅  
情爲紆況我移居計已果鴻爪憑將積雪留燕泥忍使空

梁墮陽冰小篆樞最工

季高爲樞食筍齋三字以復舊額

輞水名圖乞亦

可厚報媿無韓幹馬強辭聊學淳于髡君看幀首舊款題

細字分明應屬我

款題爲五弟作余與小田年相若亦次五

小田以和詩見示感舊懷歸情見乎辭次韵再答且

慰其離索之感正月二十五日

華林萬騎鳴官笏玉勒金鞍簇山朵我如局促轅下駒誰  
爲馳驅逐禽左回思閭闔立長風賴有丹青輝四坐可憐  
顧盼生光榮頓使鞭笞謝沙塿人生宦遊送傳舍譚笑風  
濤撼奔舸五穀當年炊屢屨曲陽何地留墀鎖吾師富貴  
等浮雲出本無心去尤果綠野春風碧玉生滄江暮雨青  
山墮且看兒輩騁驊騮已覺詩才繼坡可感舊吾方惜畫

圖懷歸君欲脂車輅徑須痛飲對濠梁安見觀魚子非我  
吳蘭雪丈過訪園廬折海棠兩枝而去

花時不飲孤金罍欲飲還愁無客來閉門覓句苦岑寂滿  
眼紅霞開未開門前敲竹雙輪駐吳質閒來倚仙樹袖出  
香鑪玉女詞狂吟不管遭花妬九疊屏風九曲山君以廬山武夷  
紀遊詩看花人海幾時還兩枝換得詩千首輪與先生破  
見示醉顏

聞六弟約客來園看海棠喜賦

幽棲少經過閉門謝人事一自海棠紅連日嘉客至夜深  
燒燭照晨起舉杯醉客喜來及時花亦爲客媚那知天公  
巧一一先位置懷瑾握夜光有美豈終祕紛綸錦繡段金

錯翦刀試裁成爲人衣幾見藏在笥去歲花事稀今春開  
特異封姨亦解憐不遣風捲地英英海邦彥塵坱圞都肆  
聞花便舉裳出城不用騎昨見吾弟書埽徑遙相遲呼童  
安筆研更復滌酒器看花對舊雨此意君須記

謂豐陽詠  
海棠事

讀劉晏傳

宏羊以心計析利及秋毫民愁致旱熯中外日騷騷士安

判度支其要通糧艘以書遺宰臣

元載

利病言滔滔能知物

貴賤任使多時豪二者實可法緩急躬自操胡椒坐食贖

晏也按其曹憐縉

王縉

而快炎

楊炎

盛氣不肯韜終來青蠅譖

亦由勢所遭時衰利徒進國奢民志惰大道忽云沒濟時  
亦孔勞君子取其長所惡竭脂膏劉才死可惜桑罪烹毋



逃

南海子懷古竹枝詞四首

仁虞舊院近南郊燕子飛來更築巢二十四園花果樹要  
令海戶貢包茅

新衙門接舊衙門百萬貔貅屬內閹汝輩爲之渾不問更  
誰坐位斥朝恩

雙雙古柳已重栽螞蟻墳高浪費猜惟有

宮門鐵獅子眼看延祐瞭鷹來

七十二橋流水多紅牆萬丈架銀河當時不讀河渠志飛  
放泊前鬧鸛鵝

芸館讀書圖 并序

嘉慶戊寅之歲同居庶常館者六安沈舜卿

魏皆貴

筑張曉瞻

日昱

桂林周藹餘

貽徽

平度陳小瀛

肇涇

陽徐熙葦

法績

清苑王曉林

植

及余凡七人其六人

皆丁丑同年余則甲戌庶常補散館者也明年己卯  
七人者皆以優等授職編修且考列名次亦相聯屬  
於是同館傳爲佳話謂近科所罕見自是聚散不常  
宦跡亦異余既承乏

內廷藹餘小瀛先後轉侍御舜卿服闋亦補侍御曉  
林熙葦連年憂居困阨相似頃乃次第來都而藹餘  
又先以憂去官今年曉瞻以京察例得外任命曩者  
聚首之樂誠不可忘爰爲芸館讀書圖屬同人賦詩

紀事竊思之七人者東西南北生不同居幸際

休明盍簪詞館情誼之厚有如弟兄卽今相憶已感  
離索他日披圖能不懷哉道光七年歲在丁亥四月  
十五日記

舜卿說經聲如鐘藹餘作賦氣如虹小瀛潛思不出戶片  
語偶發和而冲曉林熙葦屋西東良玉爲珏交相攻就中  
曉瞻志更苦長年短榻身如弓嗟余兩度棲館中舊巢未  
埽新泥重七人懷抱一時合那復賓主論秋鴻明年謁

帝蓬萊宮海山鼓棹齊乘風卻怪書名聯甲乙亦如對字  
交簾襲白雲無心點晴空膚寸而合皆天工四方上下會  
所適巖岫一出奚必同周陳繡衣沈馬聽賤子亦竊虎皮

蒙徐王何事久顛顛使我蘊結心忡忡邇來露冕屬張公  
將以襦袴蘇疲癯城南回首感離索況此遠別何時逢十  
年芸館窗鐙紅舊游如夢難追蹤試看尺幅煙雲色中有  
先朝雨露濃知君用意深無窮記取鈔書細字功人生到  
處留泥爪不用低頭羨駑蛩

曉還園居

林靜月斜墮巷深人悄然六街初辨色萬戶未浮煙山撲  
塵容淨車調睡味圓園花幾日別作意向人妍

顧杏樓水部

元愷

以新詩累牘見示賦荅

官閒地僻鮮賓友獨坐軒窗晒垂柳忽枉新詩三十篇開  
緘目眩驚瓊玖虎頭癡絕真可憐水部耽吟思不朽斜行

細字勢連綴短句長歌意深厚往歲蛟龍潰隄堰萬家黿  
龜產田畝魚鱗雉堞落釜底仰視銀河貫星斗不知誰人  
畫三策泥泐波揚竟何有窮檐金粟出

朝廷巨壑隄防賴官守邇來相顧但歛歛應爲流離計長  
久滄浪漁父非常人忍對河魚汲美酒試吟清江浦口詩  
如繪鄭俠流民手君才甚大足濟時年少文章傳萬口爲  
郎那用歎沈滯作客何爲困奔走嗟余澹蕩似同調獨立  
蒼茫誰與偶城南咫尺莽千里舊雨蕭條太孤負眼明今  
日見手札心快真如洗頭垢他時埽徑望君來牆竹橫斜  
綠可帶

閏夏雨中獨坐書懷

山谷正集卷之二十一  
三  
一雨青箔榻下生鉤簾閒坐聽荷聲破甌溼盡龜文出漏  
屋痕多鳥篆行野老咨嗟應望歲

詔書寬大已休兵不知沈玉舉茭地雪浪如山勢肯平

忻州趙母張節婦詩

養姑者誰趙氏婦撫孤者誰趙氏母誰道舍飴更苦辛老  
去能全趙氏後人爲壽母祝眉壽母謂九十如十九少年  
已作未亡人今日白頭還此身身雖未亡心已死彤管何  
心耀青史但願子孫孝且慈莫忘老婦養姑時當時機杼  
聲中淚只有鄰家嫠婦知

敦甫先生以側柏葉爲飲色香味三絕紀之以詩

芳園古柏人不識鐵幹霜皮葉交側揜依灌木鬱蒼翠獨

倚清池照修直園丁有時拾墜葉瓦盆土銼燒煙黑縱使  
桐焦動客聽其如井渫無人食先生讀書妙研理爾雅靈  
樞洞胸臆古來鬯曰取馨香後世椒盤爭祓飾試繙藥譜  
問和緩辟惡蠲疴有神力玉峯涌出泉溜甘講席歸來日  
陰昊龍團鬥茗亦尋常香葉煎湯更奇特忽疑明月動桂  
影澹若春江變秋色坐客躊躇不敢嘗瓊漿石髓嗟難得  
玉川好事辨芽蕾快說清風生羽翼豈知飲法通仙靈不  
用茶經苦雕刻三清茗盃憶

### 宮筵五字

龍章騰寶墨

乾隆

聖製

三清茶詩

以松實梅花佛手爲

三清每歲

重華宮茶宴聯句

近臣得拜茗

盃之賜至

今沿爲故事

先生授書在東序

日誦清芬感

先德平生菜根飽至味談笑藥籠收嘉植定思巖谷有沈  
淪肯使蘭茝委榛棘

敦甫先生見和柏葉茶詩卽物抒懷詞旨淵遠疊前  
韻奉荅

相馬以輿馬可識範以馳驅無傾側度木以工木可斲定  
以規矩無曲直世人取舍一何隘剔抉瑕疵剖白黑那知  
凡物必有用昌歆

日知錄从  
玉篇作歆

苦芟皆堪食試看葉龍與楚

鳳徒以空名償私臆千重緹錦寶片石桂櫨蘭薰爲珠飾  
志大偏矜賞識奇才難遂俗搜羅力誰抱黃精鑱柄長仰  
瞻白日車輪戾掩抑窮年羞自媒遭逢無路傷孤特公詩  
慷慨有深意欲挽彫枯作春色大矣細柄任所取桔梗柴



胡隨處得不須荆棘更翦除要使蓬麻共扶翼騷人辛苦  
別蘭艾清濁分明近苛刻豈知明鏡納妍醜自酌清泉試  
朱墨斯言甚大足濟時一物雖微見全德乃知獨立能包  
容澗木山苗盡培植會看郊輦下鸞鳳爭倚雲霄託槐棘

和季高園居

元白休將第宅誇綠陰難得對窗紗詩成往往分題壁飯  
罷時時互品茶蟋蟀堂前來舊雨芙蓉國裏有鄰家知君  
長夏清閒甚擬抱枯桐問伯牙

季高  
善琴

苦熱簡季高

青天赤日氣焚柴車馬無聲靜六街謝客杜門成小隱學  
僧枯坐欲忘骸曼膚多汗心常淨病眼生花手不揩聞道

銀鉤新獲帖煩君揮翰照幽齋

生日季高饋炙鴨桃實疊前韵奉謝

舒鳧燔炙費薪柴桃實何須羨鄭街  
曼倩巧偷聞幻術王喬飛度得仙骸  
升菰每憶闌前射雪黍休教飯後揩  
投我情殷慙馬齒年來食筍已名齋

苦熱三首

六月二日至七日酷熱異常近年所無

赤日中天駐纖雲萬里無風林晨不動露草夜難蘇  
已見焦蓮芰還愁損稻菰龍湫能致雨那用待時雩

塞外屯兵久關西驛使來燭龍終古照天馬幾時回瀚海  
需膏雨陰山蓄怒雷炎氛當一洗耕種定重開

衣澣披仍溼冠彈沐屢新閉門高枕在盈耳亂蟬頻欲斂

藏冰室翻憐蔭越入浮瓜聊解渴感媿想絺巾

賀季高生子

堂前笑口雙開口門左桑弧再設時豈止分甘慰梨棗果  
然築室得熊羆君新移居羨君置膝如文度時雲岩先生就養京寓令子  
傳家有衮師恰喜清風來好雨傾盆應爲洗佳兒

六月九日雨後早起

連旬苦炎熱旣雨覺秋新日出鳥喧樹雲開山近人潭龍  
眠已久輟鮒望猶頻更欲煩神力滂沱逮下民

次韵周竹溪舍人

維新見贈

清詞麗句比池蓮鳳沼歸來似散仙早識周墀能說史誰  
知蘇晉愛逃禪山雲欲起風生樹水檻初開雨滿天陡覺

吟懷秋颯颯萬花聲裏唾珠圓

次韵竹溪直廬卽事

園林容易換新涼舊雨重來覺歲長  
回憶海棠三月暮於今池藕萬花香  
披襟得爽知晨氣選樹乘陰避午光  
更喜吟牋揮灑速待君還醉碧簫芳

送王漢廷郡丞丹楓還湖南

武陵老吏龔黃儔一官閒冷心不尤  
才高志大言語壯霹靂所到蛟龍搜  
空堂揮麈風雨快短兵力不敵長矛  
但聞同颯振林木中有萬古江河流  
感時拯物富經術恢之足以彌九州  
惜哉劍氣世罕識識者但謂縱橫流  
衡湘諸侯頗折節願君抵掌陳奇猷  
何須石鼎鬥奇句竦肩袖手驚

侯劉

七月四日喜晴

昨夜波濤撼牀几屋小如舟不可檣朝來補睡未移時驚  
覺窗櫺紅滿紙似聞萬木陰森中已有涼蟬曳枝起疏簾  
垂地對荷花往往搖風落秋水四壁雲煙題句多眼中歲  
月如奔波三春望雨夏苦旱愁來筆硯空相磨心奢力薄  
託吟諷書生濟物能幾何自從

靈湫應祈禱一日萬里流滂沱

宮中

聖人調玉燭暘雨總不違天和勸君莫作秋霖歎風捲雲  
收神所贊不煩餘怒鬥蛟龍早識殷憂動雲漢

偕季高退直寄懷伏齋夫子

如意門東車並軌，激懷園北水同灣。  
年來桂楫都相識，人與鳬鷗共一閒。  
別浦花香連太液，當門嵐翠落西山。  
詩成卻憶于湖老，浩蕩扁舟遂不還。

初秋荷村舍人直退過訪盤桓五日次去年見贈韵  
並呈季高

團團真似磨隨驢，冉冉還同蝨守書。  
四海交遊三子共，兩年情味九秋初。  
高談磊落風生腋，小別徘徊月照裾。  
忽憶故人汾水上，離懷何處寄雙魚。

荷村季高皆晉陽書院同硯友也

再贈荷村

自公退食如休沐，與我忘形孰主賓。  
舊雨重來期五日，深

杯相對恰三人欣逢閨歲桐添葉豫賞中秋桂滿輪山色  
湖光宜繼繼明朝分手隔風塵

新秋雨中退直

夜雨鳴檐到曉頻朝衣真是瀑垂紳浦荷聲驟風成陣官  
柳陰閒道少人白板橋南車有迹碧紗窗北硯無塵拈豪  
試述田家樂早稻抽芒穀穗新

高樹二首寄佚齋夫子

高樹秋零葉幽禽曉擇枝不嫌清陰少應惜倦飛遲露草  
寒蛩據霜華老圃垂江湖天浩蕩鴻雁早知時  
毒熱思前日涼秋換一朝芰荷猶瑟瑟蘆荻轉蕭蕭葉淨  
塵難汙花繁雪易飄蓮船高玉井悵望出雲霄

送六弟歸里奉迎慈輿

去年與子別八月蝴蝶飛今年白露下子又行將歸去年  
板輿還子也策征駢關西方用兵羽書馳王畿間關戎馬  
際往返常相依今年關西平子歸謁慈闈慈闈昨寄書念  
子爲我轍告歸復遲發及此秋卉腴團團中天月千里揚  
清暉側身井陘道山石何崔巍豈不惜離別倚閭望依稀  
握手且惆悵念子寒無衣仰瞻鴻雁翔行成不可揮大小  
相和鳴南北終無違啁啁燕與雀語不出屏幃安知雲霄  
心不畏雨雪霏涼堂鐙燭爛尊酒羅四圍殷勤對牀語佩  
之如弦韋丈夫志遠大兒女徒歔歔子歸將母來京國春  
芳菲再拜壽吾母何以報杼機上言母安康下言兒貌肥



退朝喜遇熙菴

南州孺子渺難覲城北徐公期不來  
花落多時隔風雨秋深無計共尊罍  
退朝忽喜清暉接握手相看笑口開  
莫便匆匆策歸騎涼堂修竹好徘徊

石士外舅夫子過宿直園貽鄉蔬二種云此建昌薤  
九江菰也吾種之官舍後圃風味殊絕亟命廚人治  
之約季高同飲賦詩

八月九日

庭樹日落棲鴉昏太乙仙人來扣門入門不復聞寒暄呼  
僮火速治盤飧嘉蔬兩束葉幡幡千里致種出家園秋霜  
未下風露翻先生采摘循籬藩羸馬載之城南轅念我輞  
飢腹屢捫南方草木畧可言薤也葉如落葵繁曾聞阿瞞

冷薦吞先以此味解其煩或云來自東夷垠以饔盛之厥  
名存菰也於蔬品最尊花交葉蹕秋滿原周生儁俗強攀  
援蘭桂騰謠今蒙冤江干野叟老瓦盆乃以筍奴菌妾論  
何況肉食乘高軒但炙牛心膈熊蹯生平不識雞與豚安  
問沼沚羞蘋蘩翰林主人詩書敦藜藿自飽顏常溫謂此  
鄉味清而噉瓠葉亦可當魚燔東鄰客至笑且喧食指暗  
動疑嘗蠶村醪白墮蓮花痕媿無旨酒醺芳樽采薇歲莫  
勞征魂菜把偏叨地主恩世間百事秋雲屯且復努力斲  
其根

月夜

天高氣霽見銀河虛閣疏簾捲地波萬里大風吹垢去九

霄明月入秋多郊原雨足龍湫靜

宮闕雲開雁陣過不用夜來砧杵急玉關今已罷琱戈

中秋偕季高約孫春甫

蘭枝

傅秋坪

繩助

張詩船

祥

河小集食筍齋

仙家八萬三千戶我輩東西南北人招隱何須吟桂樹舉  
杯且喜駐冰輪看花夙約經秋晚起草餘閒借酒親難得  
清光今夕滿碧天如水淨無塵

詩船和余薤菰之作次荅兼呈石士先生

君家細鱗魚遺自松江翁花時不我醉孤負荷花簫一年  
月色今宵美對影銜杯樂難已興公發語金石清

春甫介子

豪談四座傾

秋坪

先生袖出詩一束似誚齋廚食無肉人言

南筍勝北菰吾意但取飢腸充況有階前盈尺地夏玉篩  
金葉交翠等閒莫謂庾郎貧白酒黃蘗氣味真將詩徑報  
嬾眠叟

嬾眠叟先生所居也

乞取霜天秋一畝

中秋步月湖上懷六弟

波光樹影漸扶疏散步山椒地有餘高柳枯枝能漏月亂  
荷深響自跳魚市樓鐙火疑江上微署更籌入夜初悵望  
榆關千里隔馬頭明日近鄉閭